

DISPUTATIO.
De.
JURE RETORSIONIS.

adversus injurias verbales.

DIVINO NUMINE AUXILIANTE.

SUB PRÆSIDIO.

VIRI.

MAGNIFICI, NOBILISSIMI, AM-
PLISSIMI, CONSULTISSIMI.

DN. JOANNIS REBHANII.

JCTI COM. PALAT. CAESAR. COD.

& Feudal. Consuet. Profess. P. Celeberrimi, Col-

leg. Jurid. Sen. Graviss. & Divers. Statuum

Imperij Consiliarii.

Domini Præceptoris ac Patroni sui,
perpetuò colendi.

In Conventu Academico ventilanda proposita.

ab

ALEXANDRO JOHANNE GROLMANNO.


Marcano Westphalo ex Bochumb. Auth.

Die Iulij. 2. H. L. C.

C

ARGENTORATI
Typis JOHANNIS WELPERI.

ANNO M. DC. LXVI.



I. N. I. C.

PRAEFATIUNCULA.

On considerans exulceratissimum
ferreumque hoc seculum, ut cum He-
siolo loquar, in cuius cuspidine, prohdo-
lor! nequitia residet, quemadmodum
eleganter Ovidius hisce sequentibus
demonstrat versibus,

*Protinus erupit vena pejoris in avum
Omne nefas, fugere pudor, verumque, fidesque
In quorum subiere locum, fraudesque, dolique
Insidiaque, & vis, & amor sceleratus habendi.
Vivitur ex rapto, non hospes ab hospite tutus
Non sacer à genero: fratrum quoque gratia rara est:
Imminet exitio Vir conjugis, illa mariti
Lurida terribiles, miscent aconita novercae:
Filius ante diem, patrios inquirit in annos
Victa jacet pietas, & Virgo cæde madentes:
Ultima cælestum, terras astrea reliquit.*

Aliquem discursum instituere de modo has nequitias
coercendi atque compescendi, scilicet saluberrimo
Retorsionis remedio mihi in animum duxi, cuius sa-
lubritas ex sequentibus capitibus patebit: Cum vero

nihil ex nobis praestare queamus; loquente S. Apostolo
2. ad Corinth. 3. v. 5. à Jove facturi orsum, præ omnibus clementiam divinam invocamus, & cum sacra-
tissimo Imperatore Justiniano ex l. l. in pr. C. de V.I.E.
optimum authorem Deum præponimus, qui secun-
dum divinam suam potentiam ac voluntatem meum
dirigat propositum atque institutum.

CAPUT I.

De Etymologiae vocis Retorsionis.

Quoniam quedam dicturus sum, sine praloquis & affe-
ctuum motibus juxta præconis Atheniensis, interdictum
de quo Erasmus adag. 56. cent. 4. chil. 3. de legitimo illo ac justo
(justum enim est dicendum, quo injustum repellitur, imo æquitati
naturali consonaneum est, quia ad amoris vinculum tuer-
dum conductus) *Retorsionis* remedio, injuriarum verbalium ex-
peditissima commoditate, quæ ob publicum bonum ac commu-
ne, hominum commodum introducta: quod verò tali modo in-
troducedum est, perpetuam justi causam habet ac naturalem, est
enim illa ob bonitatem publicam omnino æqua, ob æquitatem
necessaria, ob necessitatem iusta, quia rationi naturali ac divinae
voluntati congrua est, nihil enim justum dici potest ac debet
nisi quod ex ratione naturali originem trahit, naturale verò ra-
tionale divinum est. Hugo de Roij de eo quod iust. est pag. 123. Pri-
mùm Etymologiam hujus eruere mihi utile visum, quamvis
plato, teste Galeno l. 4. de util. part. cap. 13. id prohibeat, dicat-
que, si nomina neglexerimus, magis nos divites ad seneçutem
prudentia perventuros, sed aliter Imperator noster. l. 1. ff. de l.
& 1. sensit, inquiens, nomina ante omnia esse intelligenda,
quia sunt signa formas rerum experientia, & originem in qua-
vis re & facto acutioribus mentis oculis esse intuendam. l. 8 pr.
ff. mand. l. 12. de sc. maced. l. 1. §. 13. & 30. ff. depos. fine qua il-
lotis quid incipi manibus judicat Gajus l. 1. de orig. iur. Illam
verò

verò compositam esse à re & torqueo certum est, habens in su-
pino torsum vel tortum, unde *Retorsio*, ut legitur apud *Ciceronem* vid. *Struv. de vind. priv. pag. 83*; quamvis *Rennem. in tract. Retors. à princ.* tradat, hanc Etymologiam antiqua & pura latinitati incognitam esse, ipse tamen ex *Horatio lib. 1. sat. 7.* omnibus notam esse fateatur, simulque Calepinum & Fabrum latinitatis versatissimos nec de minima auctoritate Viros alle-
get. Summa, cum secundum *Harp. Comm. Inst. de in jur. §. hec actio n. 90.* in omni disquisitione Logomachia vitanda & sen-
sus magis quam verba amplectendus *l. 3. §. 9. ff. de adim. vel transf. legar.* Tuitius esse arbitramur si communis scriptio retine-
atur, Euphoniae gratiâ.

CAPUT II.

De Homonymia vocis Retorsionis.

NEc *Retorsio* semper est ejusdem significationis, quandoque enim hæc vox usum habet inter actorem & reum in judicio litigantes, ut in *Tit. 2. lib. 2. ff. quod quisque juris.* Cujus etiam Exemplum dat *Mynsing. Cent. 3. obs. 4.* Cum fraus, fraude & cal-
liditas calliditate repellitur, quod Advocato justam moventi causam licet, ita ut temeratum, immodestum, ac callidum vin-
cat adversarium. *l. 1. §. 3. ff. de dolo malo*, quo spectat illud Au-
gustini, cum justum bellum suscepferis, aperta lingua, an insi-
diis vincas, nil ad justitiam interest. *C. Dominus. 23. q. 2.* Qui enim aliquid facit non ut alii noceat sed ne noceat sibi, rectè facit *l. 2. §. pen. ff. de aqua & aqua pluv. arced.*

Fallere fallentem, fraudemque repellere fraude

Exemplique licer, ludere quemque suo.

Alius est hujus vocis usus in successionibus diversorum locorum diversis, cuius Exempl. ponit. *Rennem. D. Tract. Praefat. thes. 2. lit. B. Richter in Tract. de success. ab intest. scđt. I. memb. 1. n. 77.* & seqq. ubi & plura præjudicia diversarum universitatum addu-
cit, aliter *Paulus de Castro* utitur hac voce, & alii Dd. vid. *Nobi-
tiss. D. Struv. in d. Tract. C. 10. aphor. 3.* quem videte lubet cum
Pluribus allegatis ibid. sed hæc sufficient, quare mitto, & ad *sy-
nonymiam* transeo.

CAPUT III.

De Synonymia vocis Retorsionis.

Indigitatur autem variis appellationibus, communius verò *Retorsio* vid. *Harp.* in §. hac adī Dn. Richter in vol. 2. decīs. 92. & Reg. 2. Magnif. Cancellarius Tabor, Preceptor meus Colendus in *Armament.* de legit. *Armor.* usu c. 2. n. 7. pag. 175. Magnif. ac Ampliss. Dn. Praeses & Preceptor meus summoperè venerandus in *Hodeget.* p. 658. Dn. Struv. d. tract. c. 10. aphorist. 1. & seqq. Besoldus in *Thesauro* pract. verb. *Retorsio.* à Paulo de Castro vocatur *Retorcitio seu Retorquitio* Antonio Capicio *reproperatio* à Dn. Rennem. verò quem Dn. Harp. d. loco Criticum peracutum appellat *Retorsio* dicitur, respectu scilicet ad supinum verbi compositi, sed nec alia reprehendenda, Germanicè etne abgetrungene Ehrenrettunge. Hec de generalibus sufficiant, Materiæ enim, quam declarare conatus sum (pro vero posse, nam meam imbecillitatem ingenuè profiteor, saniores etiam contenti erunt conatu & voluntate; Nam

*Quod si deficiant Vires audacia certè
Laus erit in magnis & voluisse sat est)*

singularia amplector.

CAPUT IV.

De Definitione.

Quamvis omnis definitio in jure periculosa sit. l. 202. ff. d. R. I. Interim tamen de nulla materia accuratè agi potest nisi prius definitur, quemadmodum Cicero lib. 1. off. præcipit, omnis quæ à ratione incipit & suscipitur de re aliqua disquisitio, debet à definitione profisci, ut intelligatur quid sit id, de quo disputatur nam optima alicujus Thematris explicandi ratio à Definitione incepit, ut bene contendit Magir. lib. 5. c. 1. Eth. Nicom. quare & hic definitionem dabo: Definitur ab *Harp.* d. l. quod sit legitima injuriæ verbalis in ipsummet injuriantem propulsatio, honoris tuendi causa, in continenti, propria auctoritate facta: quam cum comprobet almae hujus Antecessor b. m. Sigismund. Flach.

Flach. & Casp. Schernberg. Disp. 2. Colleg. Crim. thes. 80. ego quoque eandem hic meam faciam, paucisque delibabo.

CAPUT V.

De Divisione.

Post rem definitam ut dividatur necessitas accuratae declarationis requirit, dividitur verò defensio in generalem & specialem, hæc rursus in publicam & privatam, hæc rursus in realem & verbalem ego verò hic de speciali, privata, verbali, extra judiciali ago, scil. usitatisima Retorsione injuriarum verbalium quæ juris est naturalis & nemini deneganda ita ut *Hippolit. in pr. de sicar.* dicat bestiis & Diabolo esse permisam, & *placent. lib. I. delict. c. 28.* hanc sententiam communis Doctorum, calculo esse receptam & *Capoll. Consil. crim. 42.* omnium gentium more & consuetudine usurpatam esse, & *Nicol. in Concord. gloss. c. 56. Covarr. in Repet. Clem. Si furios. de homicid. ult. part. §. ult.* communem esse conclusionem, ratio est, quia ex ipsis naturæ sensibus descendit, eamque qui tollere vult sensus ipsos ut tollat neceſſe est, *Salomon. ad. d. l. 3. n. 19. Volitz. in comment. ad. l. Cornel. de Sicar. c. I. n. 8. Romul. part. 1. Compend. homicid. n. 36. Obrecht. de necessaria defensione. c. 5. n. 10. & 11. Sebast. medic. in tract. de casu fortuito part. I. q. 8. n. 9.* latet enim sub principio naturali, se suaque diligere, & hæc dilectio nullam potest admittere offensionem, repugnat enim sua naturæ; Nam ut naturaliter non vivimus sine sanguine, ita civiliter sine bona fama vivere non credimus, unde eam non minus quam vitam defendere licitum & curare debemus. *C. non infer. caus. 23. q. 4.* bona fama enim mori longè laudabilius est, quam turpiter vivere *I. Iulianus ff. si quis omis. caus. Testam.* Retorsio, duplex est propria vel impro priè sic dicta, illa, quando injuriatus injurias rursus legitimo modo in injuriantem reflectit, Impropiæ, quando non servato modo retorquet; sed licentiam habet rursus maledicenti maledicere, quæ & recriminatio dicitur. *Coll. I. A. de injuriis thesi. 13.*

CAPUT VI.

De Causâ Efficiente.

CAUSA efficiens hujus Remedii est, primò, jus divinum, ut patet *I. ex c. 37. Ierem.* cumque pervenisset ad portam Benjamin

jamin erat ibi Custos portæ per vices, nomine Jerias, Filius Se-
 lemias, Filii Hanainias, & apprehendit Jeremiam Prophetam, di-
 cens ad Chaldaeos profugis, & respondit Jerem. falso est non
 fugio ad Chaldaeos. 2. Exod. 6. 22. v. 24. Oculus pro oculo, dens
 pro dente &c. Objiciunt quidam 6. 22. proverb. & Luc. 10.. ubi
 dicitur diligere proximum tuum sicut te ipsum. Verum tamen recte
 dici sicut te ipsum, non cum se ipsum minus proximo diligere
 præcipitur, ordinata enim charitas incipit a se ipsa, ut post Baldi
 conteidit Gorhof. in not. ad l. 6. C. de servit. lit. p. & illi qui no-
 lunt portare que præpararunt, peccant contra Caput 25. act.
 Apost. ubi inquit Paulus, si alicui injuriam feci preham non re-
 cusabo & Deut. 13. Reddes illi sicut fratri tuo cogitavit facere,
 & communiter obsecratur. c. 11. Exod. Cedenti Maxillam, aliam
 exhibet, sed ad hunc textum eleganter respondit Grotius de jure
 bell. & pac. pag. 27. inquiens, textum non intelligendum esse,
 quasi nulla injuria repelli seu vindicari publicè aut privatim pos-
 sit hic enim Deum non loqui de omnibus injuriis, sed tantum
 de levi quadam & danno facilimè recuperabili, nam superioris
 apparentem generalitatem restringere sequentem sententiam
 agentem de tunica scil. quod propter tam exiguae res non de-
 beamus litigare seu excandescere interim est & manet defensio
 licita & legitima adversus immensas injurias qua Christus ipse
 in usus est, sequamur ergo Paulum qui Hierosolymitanos ad
 Cultum beneficiorum hortatur. 2. Cor. 8. hisce; Non inquit, ut
 aliis sit laxamentum vobis res angustæ, sed ut æquabiliter veltra
 copia succurrat illorum inopis, jubemur quidem in sacris literis
 proximum diligere sicut nos ipsos ut dictum quoniam est secun-
 dum caput, Juri naturalis rationis, de quo vid. Hug. de Roy. de co-
 quod justum est latius, non vero præ nobis ipsis & ubi par imini-
 net malum, non vetamur nobis potius, quam aliis consulere,
 unde bene glossa, quilibet faciat sibi primi Eleemosynam, de-
 inde proximo, & Salom. in repet. l. 3. ff. de l. & l. n. 15. hoc scri-
 ptum, diliges proximum sicut te ipsum, includere dilectionem
 sui ipsius, unde si quis, qui iusto metu ductus ne ad se incendium
 perveniat vicinas ædes intercidit, sive perveniat, sive citius ex-
 stinguitur lege aquilia non tenetur. l. 49 §. 1. Dd. ad l. Aquil.
 quando enim lex naturalis cum lege naturali concurrit, tum

inferior cedit superiori. Ex. i. Naturalis lex est neminem laedere seu ut proprius accedam neminem contumeliis afficere quæ & laesio specialis est, sic & sese adversus injurias defendere, quomodo licet & commodè fieri potest, haec sunt duæ leges naturales concurrentes, prima necessariò cedat secundæ, ratio, quia in prima tantum latet prohibitio Dei & naturæ, in secunda vero quidem etiam prohibitio ne haec fiat cum alterius laesione; sed etiam simul Dei & naturæ permisso, in modo preceptio, ut nos ipsos defendamus & quidem praे omnibus defensio enim humanæ fortitudinæ est, & omnibus hominibus divinitus infusa & naturaliter insita, Naturæ enim principium est cum *Simonide*, debitum cuique reddere, vel cum JConsultis, siuum cuique tribuere, Deo scil. cultum, proximo mutuum, unde bene *Ciceron lib. i. off.* Cuique pro dignitate tribuatur, id enim justitiae fundamentum est, quamvis haec contributio mortalium non satis clare ex Lege naturali proluceret, ex L. tamen Morali quæ sacris nostris contenta est, Dei gratiâ cuoque perspicuum esse non dubitat, etenim ex ea clare & distincte docemur Deum venerari, parentes colere, honestè vivere, temperatè sese gerere, bona prosequi, non pejare, non concupiscere aliena alteri facere quemadmodum sibi quis fieri velit, alterum non tantum, non laedere, sed unicuique etiam omni modo prouelire, atque adeo injuriam, vim, fraudes, & simillia odisse, & generaliter ea exercere, quecunque ad bonitatem, æquitatem, & justitiam pertinent, *Hugo de Roij. d. tract. pag. 36.* Hæc quia sunt juris naturalis rationalis idcirco ex lumine rectæ rationis cognoscuntur & præsumuntur omnibus, qui rectâ ratione prædicti sunt nota, in primis haec duo, Deum cole, & tibi quod fieri non vis alteri ne feceris: Unde praeluet fundamentum *Retorsionis*, quod quis videatur sibi fieri velle quæ alteri faciat: Hanc verò cognitionem quibusdam male viventibus surripit quandoque Diabolus, quare quidem sunt deplorabiles, non vero excusabiles.

Secundò jus naturæ i. Id ostendit l. i. §. 11. ff. si quadrup. pauper fecisse dicatur. 2. l. i. §. vim vi ff. de vi. & vi armata. quia hoc cuique à natura tributum est ut se statumque siuum defendat atque tueatur, videmus enim animantium quodque eo ad sui tutelam uti quo maxime valet, nam & *Vitulus nondum tenet*

tis cornibus ea parte minatur, & equuleus nondam firmatis unguis calcitat, & catellus dentibus nondum robustis Morscat Cicero l. 1. off. quare eleganter pergit Cicero pro Milone, non esse legem scriptam; sed natam, quam non didicimus, accepimus, legimus, veram ex natura ipsa arripiimus, huiusmus, expressimus ad quam non docti, sed facti, non instituti; sed imbuimus, ino etiam doctis rationem barbaris necessitatem & gentibus morem ferisque naturam ipsam prescrispisse, ut omnem vim atque injuriam à corpore atque existimatione propulsarent. *Gul. l. 1. de pace publica. cap. 16. num. 8. Grotius d. l. unde propertius l. 2. Eclog. ad Cynthiam.*

*Non solum taurus ferit uncis cornibus hostem,
Verum etiam instanti cesa repugnat Ovis.*

Tertiò nec Jus civile ab hoc remedio est alienum ut patet i. Ex l. 3. ff. de lust. & l. Jure hoc evenire, ut vim atque injuriam propulssemus, ubi controvertunt Dd. Num vis & injuria ibidem accipiendæ, conjunctim, an disjunctim: quod conjunctim, tenent Angelus & Decius ob rationes, quia particula, atque sit sua natura copulans, & quia nulla vis sit propriè que non contineat injuriam, si secus vim non esse. e. g. que sit à Magistratu l. 13. §. 1. ff. de injuriis. quod verò ibidem particula, atque, sit disjunctiva, tenent Zuanertus ad l. 3. ff. de lust. & l. part. i. n. 2. Obrecht. de necessaria defensione, cap. i. n. 5. & 6. quibus & ego cum Dn. Gædeo de extrajudiciali def. pag. 20. subscribo, obsequentes rationes, quia non universaliter verum est, particulam, atque, semper copulativam esse, est enim aliquando disjunctiva. l. 29. de V. S. nec 2. Omnis vis propriè dicta injuriam continet, furiosus enim vim inferens injuriam non facit. l. 3. §. 1. ff. de injur. Imò bruta animantia vim faciunt non verò injuriam. l. 1. §. 3. ff. si quadrup. paup. Vis enim diversimodè accipitur, Primò vel est licita, vel illicita, Licitia: quam Magistratus & tutor habent & omnis legitimè se defendens, Illicita rursus est diversa, Imò etiam aliquando sine injuria, ut quam infert furiosus, huic tamen si aliter fieri nequit, quamvis non sit dolosa resistendum, Ita ut potius ipsum occidamus quam ut tale detrimentum nobis inferri curemus, & haec non est ratio cur non licet vim à Magistratu illatam propulsare, quia injuria careat; sed quia est punitiva non offensiva, & quan-

II.

& quando vis naturalis pro vi non habetur, hoc non sit quoad repulsionem extrajudicalem; sed quoad actionem injuriarum, alia enim vis est in offensione, & alia in defensione, illa illicita, hæc verò licita, si prima eslet licita, tum secunda illicita, & contra, si verò secunda est licita de quo non dubitandum, tum alia erit illicita, nam, cuius contrarium est malum, id ipsum est bonus, & contra Obrecht, de Neceß. defens. c. 3. num. 20. vimque quintuplicem Magnif. & Nobilissimus Dn. D. Rebhan, Praeceptor meus in Hodeger. pag. 836. recenset, eleganterque declarat & repulsivam de qua ego hic, legitimam & nullâ penâ coercendam esse asserit, quod igitur hic dicitur de vi ordinatè à Dd. ad injurias reales, quod de injuria ad verbales commode refertur. Harp. ad Tit. Inst. de injur. §. 12. num. 91. & quemadmodum yim vi repellere; ita injuriam injuriā retorquere licet, Gail. 2. obs. 100. num. 4. Nam si licet majus etiam licet minus, majus enim est arma armis retundere quam verba verbis, z. ex l. 14. § 6. ff. de bon. libert. Ignoscendum ei si voluit se ulcisci provocatus, quia retorsit in eum criminā à quo fuit petitus nec impedit quod ultio sit prohibita, ultio enim in hac lege impropiè sumitur & quidem pro defensione ut in l. 20. ff. de his qua ut indignis aferuntur. vid. Gothof. in not. ibid. & quod impropiè sumatur ita probatur, quia vindicta qua moderamini inculpata tutelæ opponitur, vel committitur celsante offensione, vel excedendo moderari; sed neutrum in hoc casu habet locum. E. non celsat offensio qua præterierit, & quamvis talis maledicendo contigerit aut desistat, tamen durat illata injuria, qua verbis repellit potest, non modum defensionis excedendo, verba enim verbis retundit, quare hic impropiè accipitur ultio qua non opponitur defensioni, quia non censetur delinquisse qui se defendit, sed qui offendit.

Quæ dices alij, tibi mox responsa remitti

Expeltes, cupies qualia dona dabis.

3. l. 25. ff. de procurat. Si procurator vel adversarius dicat, Domum mentiri, apud prætorem hoc finiri oportet, NB. nisi forte convitium magis quam prociationem exequi maluerit, unde deducit Fach. lib. 9. controvers. c. 12. mentiri ad purgationem Vitii pertinere, ferendus enim qui pudorem suum purgat; disputant

tant quoque *Dd.* num liceat injurianti dicere, tu mentiris, sed affirmantium prævalet sententia, ratio, quia, mentitam dicens, non habet animum injuriandi sed tantum defendendi seu retorquendi, sine animo vero tali injuria fieri nequit. *l. 26. ff. de injur.*
§. 1. Inst. eodem 2. quia injutians, revera mentitur, & calumniator seu mendax Verus existit.

Mentiris, tantum qui dedecus esse putatis

Mentiri quare creditis esse decus?

4. l. devotum. C. de Metat. & Epidem. vid. Fach. d. l. Quartò bonis sufficit rationibus, vita enim & fama pari ambulant passū. l. 9. ff. de Manum. Vin. quo ad curam & conservandi studium, & in tantum, quatenus vita est naturæ, & fama rationis, unde Virgil. lib. q. Aeneid. ait

Vitamque volunt cum fama pacisci.

Quia igitur vitam cum propria auctoritate licet conservare quidni & famam, secundum illud Ovidii *l. 2. de arte amandi* pronunciatum.

Iudice me, fraus est concessa repellere fraudem

Armaque in armatos sumere jura sinunt.

Imo damnum famæ gravius censemur amissione oculorum *l. in fam. C. de decur.* quoniam in æstimabilis est *l. 104. de R. L.* & omni commodo pecuniariora præferenda. *l. Julianus ff. si quis omis. cauf. testi.* & nihil tristius nihilque horribilis ablatione famæ; unde Poëta

Quid enim salvis infamia nummis.

Imò fama antererenda, sine qua nulla hominum vita. *vid. Wurms. exercit. 4. quasf. 17. Tiraquell. de nobilitate. C. 13. n. 360. & seq.* unde hi versiculi sequentes

Omnia si perdas famam servare memento,

Qua semel amissa postea nullus eris.

Et

Circundent te aurum, favor & fortuna & amici,

Est tamen infelix, si bona fama deest.

Et

Transit honor, transit fortuna, pecunia transit

Omnis: sed tantum, fama perennis erit.

Quare rectè crudelis dicitur qui famam suam neglit confidens

sux

sux conscientia. C. non sunt audiend. I. quæst. 3. & C. Nolo. 12.
 quæst. I. & contemnendus, qui eam pro viribus, aduersus pef-
 simos detrectatores & Sycophantas non defendit adeoque honor
 & hominis vita à pari procedunt; ita ut non minori cura & stu-
 dio honoris & famæ integritas nobis quam vita ipsa cordi esse
 debeat. Gail. 2. Observat. 100. n. 6. Arg. l. reprob. C. de Inst. & sust.
 & l. 26. ff. si quis omis. caus. Test. l. 8. ff. quod metus causâ hinc
 non incongruè contendit. Cicero lib. I. offic. negligere quid de se
 quisquam sentiat, non solum arrogantis est, sed etiam dissoluti,
 undè bene Melander ad Stobe. serm. 40. non est contemnenda ca-
 lumnia etiam si prorsus fuerit falsa, aliqui enim extollere norunt,
 propter quos calumniam cavere convenient & Sophocl. in Ajace
flagellif. illi ignosco, qui maledictis provocatus remaledicit, &
 Thyestes Atrei uxorem adulterio commacularat, Atreius Thy-
 estis filios clam peremptos ipsimet epulandos apposuit. Cluver. in
Hist. univers. Epit. pag. 21. Integra enim fide & majori constan-
 tia qui præditus, in recenti tempore causam defensurum du-
 biu[m] non est. l. I. in fin. ff. de Carbon. edit. Respondendum enim
 & non tacendum ut vitetur suspicio, ne injuriatus criminis ob-
 jecti videatur reus, ita explicat Rennem. *Retorsionem* S. Prophe-
 ta. Ierem. pag. 55. de Iure Retort. qui alias acerrimus impugnator
 hujus remedii exigit: Hinc & Homer. Iliad. 20. qualem protu-
 leris sermonem talem audies, & Hesiod. si male quidpiam dixe-
 ris pejora audies, unde quoque rectè tam injuria verbalis verbis
 quam realis rebus repellitur. Nam ubi eadem est ratio ibi idem
 fit jus necesse est. l. 32. ff. ad. l. Aquil. Bart. & Bald. in l. 2. ubi in
 rem actio Lud. Rom. Consil. 70. Coll. 7. Richter ad authentic. lib. 8.
 tit. 18. Everb. in Top. loco. 13. à simil. n. 1. Nam honor est nutri-
 mentum virtutis, idcirco defendantus Libenthal. in Colleg. Ethic.
 quare & Salomon in Proverb. c. 21. nos monet, ut curam famæ
 habeamus, & quia infamia unicuique est fugienda. E. honor de-
 fendendus. Libenthal. d. Tract. p. 105. & seq. quia natura illud
 edocet ut quisque defensionem suam unicè desideret. Cicero lib.
 I. off. & natura ita comparatum ut unusquisque melius sibi ve-
 lit, quam alius Christoph. Sturz. ad l. 8. de Reg. Iur. n. 19. quia
 quoque non inferre sed repellere injurias virtutis lex est, qui
 enim potest obviare perversis nec facit, ipse censetur favere im-
 pietati,

impietatis nec caret scrupulo impietatis occultæ, qui manifeste facinori definit obviare. *C. fortitudo & C. ult. cauf. 23. quæst. 3.* pone enim hunc casum quo proximus eripuit tibi famam vel saltem conatus est, queritur? Num justè te ipsum defendas, expendantur principia defendere vitam principium est naturæ, defendere famam principium est rationis, per eam enim fama vitæ æquiperatur ut dictum est, & recte, *Livius* existimavit famæ quidem damna majora esse quam quæ astimari possint, sed si defendas, defendes indetrimenntum proximi? Rectè, sed si omittas, omittes indetrimenntum & societatis scil. Reipublicæ, cuius utilitas anteferenda omnibus absque Deo & tui? Omnino; Conseguens eritis ut te ipsum defendas, naturæ enim & societatis & priuatae tuæ causæ amicis, sic *Augustinus alibi de Civitate Dei*, at tibi quod fieri non vis alteri ne feceris? sibi famam eripi nollet, ergo nec tibi eripuisse, aded ut jam nec naturæ, nec rationi contrarium sit, sed consentaneum, ut ipse eodem jure utaris quod in te statuerit, cui consonat *Sophoc. citant. Plutarch.* qui multa temerè effudit: is solet nolens audire quæ volens malè dixit, quod ita restringit *Euripedes*, si nobis malè dixeris audies multa nec illa falsa mala.

CAPUT VII.

Quibus & ad-versus quos competit.

Indubitatum est Retorsionem esse speciem defensionis & consequenter juris naturalis *Wef. Consil. 43. n. 177. Aijrer. process. historic. c. 6. observat. 3. n. 6.* quare & nemini deneganda, consequenter omnibus injuria verbali adfectis permissa, quibusve injuriarum actio competit. *Struv. d. Tract. c. 10. aphor. 8. ab init.* Cui enim competit actio ei etiam competit exceptio. *l. 156. de Reg. Iur. Coll. I. A. d. loco thes. 17.* Competit verò pupillo aut minori sine tutoris aut curatoris autoritate & consensu, modo quid sit intelligat, *Arg. l. ult. C. qui legit. pers. stan. in Iud. bab.* Minor enim uti rectè agit in puncto momentanea possessionis sine consensu tutoris. *vid. Gotbof. in Not. ibid. lit. O.* Ita & recte, sine tutoris autoritate famam suam, quæ videtur per momentum ablata recuperat, *Berlich. part. 5. Conclus. 64. n. 10. Struv. ditt.*

*diss. Tract. c. 10. aphor. 6. n. 1. Rennem. part. I. thes. 7. lit. b. de jure Retort. Filiofamilias sine patris consensu, ratio quia Patria potestas est Juris Civilis, Civilia vero naturalia contumere nequeunt seu impedire, §. *jus autem Inst. de parr. potest. deportato cui hoc per deportationem non adimitur, namque juris civilis sunt perdunt, quae vero juris gentium vel naturalis sunt retinent.* l. 17. *in fin. ff. de pæn. & Arg. l. 6. ff. de interdict. & releg. in princ.* Vasallo adversus Dominum seu Seniorem, quia ipsi licet se resque suas adversus Dominum defendere, nam in omnibus Dominus Vasallo vices reddere tenetur. 2. f. 6. Berlich. d. l. n. 19. *dissent Struv. de loco n. 8. subdito adversus Magistratum, privato odio subditum proscindentem Harp. ad. d. §. hac actio n. 165. & seq. l. 32. ff. de injur. l. 29. §. magist. ff. ad. l. aquil. sed disting.* Inter Magistratum minorem & majorem contra illum semper & statim potest institui, contra hunc verò non, quia sine fraude (id est impune) in jus vocari nequit; sed expectandum donec officium suum sileat, quod annum est; sed hic objici posset, quod tum non fiat in continenti. 3. quod id fiat in continenti, quod sit quam citè & commodè fieri potest, discipulo adversus præceptorem coercionis modum transgredientem, magis iuriis sufficientem discipulum, quam castigantem, l. 6. ff. ad. l. Aquil. Arg. l. 5. *in fin. ibid. & l. 13. ff. locat. Berlich. part. 5. conc. 64. n. 20. c. 1. a. d. loco. thes. 17.**

Non vero competit Bannito quia ipsum licet occidere. *Wes. de pæn. n. 5.* multo magis convitii proscindere. *Arg. l. 22. ff. ad l. 1. lul. de Adult. Ordinat. Camm. part. 2. tit. 9. §. solemnam. Aurea bulla Carol. IV. tit. 1. §. 2. in fin. Gail. 2. de pace publica. c. 1. n. 23. Ayr. proceß. hist. c. 1. obser. 3. n. 22.* unde nec in jure audiendi sunt. *l. unic. C. de nundinis. vid. Gothof. in not. ad l. 4. ff. de pæn. lit. S. Nec servo. §. 3. insit. de injuriis sed Domino datur pro eo, ita tamen si quid atrocius in ipsum committitur, quod apertè ad contumeliam Domini respicit. d. loco.* Nec infamato, nisi ipsi gravior objiciatur injuria, ea, qua alias fuit notatus maculâ, nec ei cui verum objectum est crimen, nisi animo injurandi sit factum, & si non vergit illius scientia in utilitatem publicam, ut cuivis, ita adversus quemvis datur, nisi injurians dolo careat, nam fundamentum propter quod *Retorsio* injuriarum datur, animus

mus est dolosus, Ernest. Cobh. Volum. 2. Resp. 59. n. 124. & seq.
 & est essentiale requisitum. Carpz. prax. criminal. part. 2. quest.
 97. n. 2. & seqq. quare non competit adversus furiosum quia in
 ipso est defectus voluntatis ledendi, l. 3. §. 1. ff. de injur. nec ad-
 versus infantem eandem ob rationem, nec adversus infantiae pro-
 ximum. §. 10. *instit. de util. stipul.* quamvis enim hi convitium
 dicant, non tamen injuriā afficiunt, *Wes. in parat. de injur. n. 4.*
 adeoque nec ulla adversus eos opus est *Rerorsione*, non quoque
 datur filio adversus parentem, quia illis quibus reverentia de-
 betur, non licet resistere, nam nullam vim, nullamque injuriam
 faciunt, & ubi offensio est licita ibi defensio est prohibita, hoc
 est, ubi objurgandi castigandique est auctoritas, ibi manet au-
 diendi, obtemperandi, & perferendi, necessitas, *Volz. ad l. Cornel.*
de sic. c. 7. n. 18. quia nullam injuriam nullamque vim fa-
 ciunt, nam jure suo utuntur. l. 3. C. de par. potest. quia & contra
 eos actio injuriarum non potest institui. l. 5. §. 1. ff. de obseq. pa-
 rent. & pat. præst. ratio, quia pater & filius pro una eademque
 habentur persona, interim etiam necesse est, ne eorum domi-
 nium in Tyrannidem & Cyclopicam sœvitiam abeat. *Gail. 2. ob-*
serv. 62. in fin. Patria enim potestas in pietate & non atrocitate
 debet consistere. l. 5. ff. d. l. *pomp.* distinguitur verò inter liberos
 qui sint in potestate, & eos qui non, illis omnino interdicuntur,
 quamvis injuria atrox sit, his verò si injuria atrox sit, & appa-
 reat, patrem diffamandi causā filium objurgasse. *Coll. I. Ad l. th. 17.*
 & cum filius sit honestioris conditionis patre, competenter sed quia
 iuri divino pietati, & honestati contrariatur, melius esse inquit
Dn. Struv. d. tratt. aphor. 8. n. 6. ut judicio contra eos experiatur,
 alia verò ratio est in realibus, quæ non admittunt moram, nisi
 sint extra vitæ discrimen, in iis enim si parentes omnem huma-
 nitatem exuunt, & limites sibi à legibus tam divinis quam hu-
 manis præscriptos transgredirentur, liberisque ita obviant, ut
 nisi extremitas ijs sit expectanda, tunc enim filius cum morte
 parentis internacionem declinare potest, datur etiam tam ad-
 versus egregias quam exiguae personas *Rennem. d. loco. thes. 8.*

CAPUT



C A P U T VIII.

De Materia Objectiva.

Materia circa quam sunt injuria verbales, quæ multiplices sunt, & multiplicitate inferuntur de quibus ne exeam limites, hic non dicam; sed tantum de remedio eas repellendis, videatur autem Berlich. n. 17. part. 5. Conclus. 64. alterius enim læsio prohibita, sui ipsius autem defensio concessa, & primum justitiae munus est, alterum non lædere, quia natura inter nos cognitionem aliquam constituit, quare & nefas est hominem homini insidiari. l. 3. ff. de Iust. & Iur.

C A P U T IX.

De Forma.

Retorsio potest fieri verbis, contra præsentem injurias evocamentem, contra absentem & quoque scriptis injuriantem, per scedam aut libellum expediri potest, videatur: Richter. Volum. 2. decis. 92. n. 12. C. l. 1. d. loco, & necesse est ut fiat in continentia, quia est defensio quæ in continentia fieri debet. l. 3. §. 9. l. 17. ff. de vi & vi armat. l. 7. §. 4. ff. ad l. Aquil. in hoc vero tempore retorquendi, respicendum est ad tempus scientiæ, quare & post annum fieri potest, si tum primò percipitur. Vices enim supplet actionis injuriarum, quæ annalis est, & tamen fit in continentia, l. 6. in fin. ff. de calum. Stur. d. tract. c. 10. aphor. 9. n. 4. & quamvis jam sciat, tamen necessitas non efflagitat in ipso fieri momento. l. 23. in fin. ff. ad l. 1. l. 1. de Adult, ubi in continentia occiditur qui post aliquot horas recipitur & occiditur; Imo post decennium fieri potest, si citius commodè & bona occasione fieri nequit. C. l. 1. in lib. 47. n. tit. 10. de injuriis & famos. libel. thes. 19. adversus certam personam, sc. injuriantem; & in hoc convenit cum actione injuriarum; contra quem enim datur actio, cōtra eum datur Retorsio, supplens vices exceptionis; ab affecto injuria seu injuriatio, unde oritur questio, num pater pro filio retorquere possit? Distinguunt nonnulli, aut pater per filii injurias sibi quoque illatas vindicare vult, aut filii loco tantum: in priori casu valere, in posteriori secus, Nobiliß. Du. Struv. d. tract. c. 10. aphor. 7. n. 4.

C

Utro-

Utroque casu Retorsionem recte fieri à patre affirmat, vi patriæ potestatis, & quod ejus sit tueri filium. l. 17. §. 18. de injur. Cui fundamentum præbet, quod pater & filius pro una persona habentur. Hahn. obser. ad W. f. de partis. n. 5. & quod pater loco filii habeat actionem injuriarum, affirmatque indistincte. C. I. A. d. tit. thes. 16. queritur autem num & filius loco patris possit retorquere? R. Si pater absit aut loco absens habeatur, l. 17 §. 10. ff. de injur. seu pater adsit, & sit Vilis & abjecta persona, sic & maritus loco uxoris potest retorquere. §. 2. Inst. de injur. Queritur num & cognati? R. quod non, si verò injuria est tam atrox, ut totam tangat familiam, actio illis competit injuriarum. Vid. Perez. in praefat. C. de injur. n. 12. Anna. Robert. lib. 4. rev. judic. c. 2. Struv. d. loco. præcavendum est quoque omnis excessus in verbis & illis tantum utendum, quæ omnem excludunt injuriam.

Virtutem primam esse puto compescere linguam.

Nam.

Isthic est thesaurus stultis in lingua situs,

Vt quæslui, habeant malè loqui melioribus.

Queritur verò, num verbis illis, tu mentiris, adjici possit, ut fur, latro, nebulos, du leugst wie ein Schelm / Dieb / Mörder/et. Doctores talem admittunt additionem ut vid. potest apud Harp. d. loco Ratio admissionis est, quia is, qui convitum falso facit, sceleratè agit, ea propter hæc verba non injuriam faciunt novam; sed ad eundem tendunt effectum, suntque tantum exaggerantia antecedens, & qualificativa accessoria, in sequelam & consequentiam adjiciuntur, quæ naturam sui principalis & initiū sequuntur. Dn. Struv. vero. d. loco aliter sentit, & verba, Dieb oder Mörder/ non admittit, ratio: quia non sit latro, nec fur, mentiens; sed verbum illud Schelm posse adjici asserit, ratio, quia sit generale, omnesque qui sint malæ indolis, continens. vid. Besold. Thesaur. præf. n. 57. voc. Widermann, sed ego cum Dn. Carpz. I. R. S. part. 4. Conflit. 46. def. 11. Berlich. conclus. 64. n. 6. Bocer. Clas. 4. disp. 3. thes. 30. Scrad. de feud. p. 9. c. 4. n. 115. Obrecht. de necess. defens. c. 2. n. 26. Harpr. d. loco. subscribo; nam tam lingua quam re ipsa necatur homo Matth. 5. Jerem. 18. v. 19. quia & ipsem et Struv. c. 10. aphor. 10. n. 5. Injuriantem enim Ehrendieb appellat, nam & ex verbis, quæ ad unum eundemque effectum tendunt

dunt, eodemque impetu proferuntur, non diversæ oriuntur injuriæ. l. 32. §. ult. ff. ad l. Aquil. Goedd. de defens. extra iud. pag. 66. Hucque libuit apponere. Novell. Elef. Saxon. quam refert Dn. Richter in Volum. 2. decis. 92. n. 18, quæ modum retorquendi exhibet.

Ob in Verbalinjurien sachen die Retorsion zulässlich? In vnser Constitution vnd newer Policey-Ordnunge ist mit mehrern versehen, wie diejenige, so den anderen freventlich vnd mutwillig schmählich / ernstlich zu bestraffen / welchem allem wir auch noch ohnverbrüchlich nachgelebt wissen wollen / weilen aber die Rechtslehrer in dieser fragen / ob der beschwerte vnd injurierte theil / den injurianten / die Scheltworte mündlich oder schriftlich wieder in den Busen schieben vnd retorquiren könne / mit einander nicht einig / in dem solches erliche / als eine bloß privat Rache / die andere aber vor einer defensions mittel vnd Ehrenrettung achten / vnd durch dieses mittel offe große Zeit vnd Geltspilderung / so bei den Klagen vnd Rechtlichen verfahren / an - vnd aufgewendet seyn / verspahret werden können / so sollen zwarn in vnseren Landen der gleichen nochmals verstatte werden / jedoch anderer gestalt nichts / als wann sie anff unverwandtem fuß / oder so bald der injurierte vernimmt oder erfähret / daß er in seinem abwesen geschmähet sey / geschehen / kein excels dagey begangen / sondern ein Moderatum gehalten / vnd die Retorsion etwan auf diese oder dergleichen maß / daß dasjenige was einem schuld gegeben worden / verneiner / vnd daß ihm der Injurant vnrrecht vnd zuviel gehan / oder als kein redlicher Mann die Wahrheit gespahret / vnd hingegen die Unwahrheit gebrauchet hette / oder er hielte ihn so lange selbst vor einen solchen Menschen / wovor er ihn aufzugeben / biß er es ihm beweise / eingericchter worden / wann nun das geschmächte Theil nicht neue injurien heraus stöhet / noch injurien mit injurien häuffet / auff solchen fall / soll die Retorsion ohnverbotten seyn / vnd der sich solches mittels gebrauchet / seine Ehre dadurch gerettet / die Retorsio Retorsionis aber / wann der Retorquent in jetzt erzhlten terminis bleibt / kein statt haben. *Hac Richterus.*

Retorsio enim fieri potest, sed non alio modo quam exceptionis, nunquam vero replicationis, scil. quod velit se injuriatis rursus replicando mentitam defendere: unde Retorsionem

Retorsionis, ex vera legitima & justa causa factæ, non esse permissionem, inquit: *Harp. ad §. hec actio Instit. de injuriis. num. 237.* Author enim iuxta, nunquam prætendere potest defensionem *Gail. i. de pac. public. c. 16. n. 17. Farinac. quæst. 125, num. 118. Carp. part. 4. Constat. 9. definit. 4. Conclus. 13, n. 5. Brun. ad. C. de injur.* Infinitas enim in naturalibus & moralibus vitanda. *Gothof. in not. ad l. 4. § 2. ff. de in lit. tur. huc quoq; Dn. Richter tria præjudicia pertinentia. referit d. loco. n. 19.* I. Es hat derselben nicht gebühret nur gegen Retorsion zu schreiten. II. Dass die Retorsiones Retorsionum vermöge der Rechten nicht statt haben / vnd von der Obrigkeit des Titij die Retorsio Retorsionis nicht angenommen noch dem Sempronio insinuaret werden müssen. V. R. W. III. Die Retorsionem Retorsionis betreffent / ist dieselbe / in massen Beßlager Recht / sich dero am 15. Junii jüngſthin gebraucht / zurecht nicht zulässig. Nam *Retorsio* quæ bono fine introducta est, non patrocinatur impiis, malitiis enim hominum non est indulgendum. l. 38. ff. *de rei vind.* sed jus suum cuique tribuendum, quod non tantum fit citra propriam injuriam, sed & citra Tertiū. Magnif. Dn. *Præses in Hodeger. pag. 35.*

Limitatur verò ab Harp. & Richter. dd. II. quod sit licita, quando aliquis sub prætextu *Retorsionis* gravatus sit, quod tum *Retorsionem* legitimam contra illam illegitimam alias injuriam usurpare possit: si verò injurians se gravari putat, per Retorsionem, exclamat cum Poëta.

Heu patior telis, vulnera facta meis.

Duobus enim hisce oraculis scil. nosce te ipsum, quod prudentia est: & ne quid nimis, quod justitia; quicunque instructus & quasi subornatus est, Vir bonus & bonus civis est. *Hopper. in Ferdinandino suo.*

Nam. *Si vitam inspicias hominum, si denique mores*

Cum culpant alios, nemo sine crimine vivit.

Hodie etiam inter pragmatics servatur, ut fiat expressa injuria illata mentio, & loci atque temporis, ubi & quo patrata sit, fiat que subscriptio retorquentis, & injuriarum auctoris denominatio, item, ut a Notario scribatur requisito, vel tantum perlegatur & authentizetur, adhibitis duobus testibus, per quos quoque insinuetur, & quid occurrat, referatur.

CAPUT

C A P U T X.

De Fine.

Finis quoque ut ostendatur hujus remedii saluberimus, nescie est. Est enim legitima defensio honoris adversus illegitimatam offensionem malevolorum detrectatorum, qui honorando honorem suum tribuere nolunt, quo alias afficiendus erat, sed eum insuper laedere student, ideoque laesus non iniquè honorem quo ab insultis indignus habetur, rursus denegando ac fidem ejus elevando existimationem suam conservat, quod etiam probat *Aristoteles 2. Eth. 2.* his verbis; referentes injuriam non afficiunt injuriā, sed vindicant injuriam, & non delinquit qui propriā salutis & honoris conservator & defensor existit. *Rennem. de Iur. Retort. pag. 13. part. 1. thes. 13. lit. A.* Exemplum habemus in Hyeron. scribente ad August. si aliquid ad defensionem meam scripsero sit in te culpa qui me provocasti, non in me, qui tibi respondere compulsus sum, & recte justeque contumelia per eam sibi injustè facta in convictatorem, qui illa maneat oneratus donec probet, retorquetur: qui enim pravè agit, prava patiatur. *Bald. in l. 1. n. 9. C. unde vi.*

*Legem quam tuleris, de jure tenere teneris
Si bene pertuleris jure peritus eris.*

Wie man in den Wald schrehet / so schallt es wieder heraus: Exoneraturque injuriatus, si retorquendo ad sublevationem tendit, quare non turbandus, quis pra omnibus laesio famæ est grave onus, unde Imperator Sigismund edixerat, si alterum ex his ferre deberem, lubentius rei quam famæ iacturam subirem. *Muller. ab Echsenbach in Nomologia, pag. 3.* facit etiam ad id ut injurians à conficiendo absterratur (quare merito omnes illi & Judices, qui eos excusare illisque subfidium ferre satagunt, potius in eos animadvertere deberent, omnis enim homo qua homo, ex principiis rectæ rationis, vel suâ natura intelligitur velle ea, quæ conservant communem humani generis societatem, qua sublata, beneficentia, liberalitas, bonitas, Justitia funditus tollitur, quæ qui tollunt, etiam adversus Deos impii judicandi sunt, ab impiis enim constituta inter homines societas evertitur *Cicero lib. 3. Off.*

Off (unde sequitur eum velle ne cives, ut socius concivem, ut solum in injuryiis afficiat, sed multo magis in omnibus benefaciat, si securus, evertitur & turbatur Res publica funditus, tolliturque iustitia) & imposterum à vitiis declinet, nisi enim hoc fieret majora intenderent mala. l. 1. §. 5. ff. de Carboniano editio, ut quoque injuriatus actionem evadat, & sumptibus parcatis hinc Imperator in l. 4. C. ad l. Cornel. de fiscar. inquit: melius esse malis occurrere & mederi, quam injuryia accepta vindictam perquirere, quod sit strepitu judicis, & dementia laborat, qui ad litigandum facile procedit, petitque litis sufflamen, hinc Democritus teste Stobaeo serm. 20. omnem contentionem imprudentem esse dixit, & Epictetus contendere ubique pro indecoro habuit semperque malus querit iuria. proverb. c. 13. & l. fin. ff. famili. erit sc. pietatis officio fungi dicuntur fratres, hereditatem sine iurio dividentes, quare & Imperator gloriatur de cura quam habuisset providere, ne homines faciliter ad litigandum procederent, in princip. Instit. de pen. temere litigant. Et hec sunt principaliora & merito laudabilia, quae finis hujus extrajudicialis remedii procurat & postulat, quare sacrificandus, quia verecunda est cogitatio, quae lites execrari desiderat, l. 4. §. 1. V. post autem ff. de alienat. judicij mutand. caus. fact. & è contrario qui judicia vexationis causa acceptant, impiorum phormiones appellantur à Wef. d. tit. num. 2. cuius nominis quoque fieret particeps injuriatus, qui retorquere posset, & ita honorem suum conservare absque rixis & litibus, si intermitteret turpe enim est sibi ipsi fraudi esse. demostr. Philip. 1. sine litis enim vivere pars est beata vita, si credendum Martiali, lib. 10. Epigram. & utilius est, levii compendio negotia expediti, quam per quandam exactam subtilitatem judiciale longo dispendio prorogari. Can. Abb. de judic. in 6. l. 10. §. plan. ff. de reb. dub. nonnulli sentiunt lites esse flagellum Dei, quod divitibus applicetur, qui pestem fugiunt, fama ditescant, bello triumphant, sed ex litis redduntur pauperes, ex pauperibus mendici; ut latè tradit Musc. de unione prol. n. 45. & seq. Ipsius etiam Republicæ maximè interest lites sopheri, l. fin. ff. pro suo. l. 13. in prin. C. de judic. l. 12. C. de contrah. Sist. & diutina procelsum illa proquaftinatio causarumque, nocentissima certe pestis est, quae Republicas hodie infestat & principatus Besold. de appellat.

pag.



pag. 12. c. 1. quare causa minuendarum litium admodum favorabilis. Arg. princip. Instit. de usuc. l. 2. prin. ff. de aqua & aqua pluv. arcend. l. 1. ff. de jurejurand. l. 12. C. de contrah. slip. Magnif. Dn. Praes in Hodeger. pag. 840.

CAPUT XI.

De Effectu Retorsionis.

Effectus est, ut aboleatur injuriarum actio: Magnif. Dn. Praes in Hodeget. pag. 658. & tamen ablatum recuperetur, quod enim potest fieri per pauca, abundanter & inepte fit per plura. l. 37. §. in refutat. C. de appell. l. 10. C. de Iud. l. 1. quod met. caus. Nec entia prater necessitatem sunt multiplicanda, ut bene contendunt Philosophi, sed *prob dolor*, his teterim temporibus, neque finis neque modus litium est, quia refrigerata charitate abundant iniquitas multorum. Wes. in parat. de jud. n. 13. & multi reperiuntur, qui illis ostia aperiunt, officiaque calumniatoris subeunt; interim divina sunt censenda illa remedia qua litibus finem imponunt, multo magis qua suum sortiuntur effectum extra omnem litem, quale est hoc *Retorsionis* remedium, nihil enim tam vile, tamque turpe ac iniquum secundum Dn. Zahn, de Mendac. l. 1. c. 2. in fin. reperitur, quod non habeat suos defensores, scil. quartana Favorinum, ruditas Mirandulam, stultitia Erasmum &c. Imo extra omnis dubii est aleam, quin & hodie inveniantur insulsi, qui injurias & Calumnias defendere (id fiat cum vel finerationes, nec abhorreant id expedire maximis mendaciis, sed Menander inquit, omnis Vir sapiens ac prudens odit mendacia, & apud Horat. in Heauton. Syrius vilissimus servus dixit, mentiri non est meum, cum in bonum virum non cadit) *Retorsionique Retorsionis* patrocinari Conati sint, nec erubescant, jura divina in contemptum & odinm Juris Civilis retorquere, quod vero juris calumniatoris esse inquit Hugo de Roij. d. tract. in proleg. sed aliter Dn. Meder in disp. Doctor. sua de Poenitentia. commonefacit, quod scil. Advocati, percipientes causas esse improbas, falsis allegationibus compositas, & penitus desperatas, propter conscientiam clientes, ut a lite desflestant, suadere deberent, & à causa penitus defistant; quo tendit constitutio novissimi recessus.

cessus Imperii de anno 654. §. 43. his verbis: Und so bald sie (Advocaten vnd Procuratores) auf deren Beweisthummen oder sonst in progressu der Sachen befinden würden/dass sie eine vrechte Sache hetten/ davon abstehen/ und sich deren gänslich entschlagen sollen. Quod si vero haec omiserint, & causam injustam propugnare non desierint, contra conscientiam agentis & adgehennam: quod dicitur in c. 28. quæst. 1. extra de Simon. ædificabunt: & virum injustum mala capient in interitu. Clariß. Dn. D. Hahn, confirmans hæc, iniquitatem esse, inquit: assūmere causam injustam defendendam, nec excusatur, si non ad finiendum, sed aut ad differendum, aut ad Concordandum, sive pacta aliqua ineunda faciat, quoniā hæc omnia sint iniqua: & similiter non excusat, si iniquam causam in principali habeat, & vexet adversarium assumendo aliquod caput justum, ut sub hac justitia contradicendo, principale justum impedit, aut differat, aut etiam pervertat; oportet enim non solum medium sed & finem non esse iniquum, sed heu! inquit: apud Mundanos bonus Advocatus est, qui de mala causa facit bonam, sed esse peccatum mortale in not. ad Wesenb. de postul. num. 6. ubi præter hanc adhuc septem iniquitates Advocatorum recenset: Hinc bene Euri-
pides apud Stob. serm. 22.

Omnis in admonendo sapimus,

Sed cum ipsi aberramus haud advertimus.

Hunc verò modum esse horribilem & pessimum, principia justitiae demonstrant, quæ efficit constantem & perpetuam voluntatem, suum cuique tribuendi, hac voluntate nihil praestantium esse in rerum natura inquit Hopp. de vera jurisprud. Cui hoc contrarium, non quidem absolute & simpliciter, nam Deo & proinde justitiae illius nihil est absolute contrarium, alioquin & duo statuerentur principia, quod non est statuendum, tamen per relationem, quod sit vel privativè, scil. quatenus est injustitia talis defectus voluntatis constantis & perpetuæ suum tribuendi, & ita omittendo peccatur; vel positivè, quatenus injustitia est libido inordinata, & in constans voluntas, suum cuique afferendi (quod sit tam ablitione honoris, qui praestantior bonis caducis censetur, quam talium dictorum bonorum) injuriamque inferendi, & ita committendo peccatur: vel utroque modo,
quate-

quatenus injustitia, dum ad eum modum, quo dictum est, se habet, tamen sub falsa specie & simulatione justitiae, & quidem cum primò modo iustum esse malum sit; secundò; pejus, istud, omnium est pessimum: nam quemadmodum optimus est, qui bene facit, quam modestissimè & humilimè de se sentit; Ita pessimus est, qui cum malus sit, bonus tamen vult videri: illius generis homines sunt, qui hypocrita à Domino in Evangelio, *lophistæ* apud Plat. & Tyranni appellantur, qui umbras & imagines assumunt boni & justi: Cujusmodi sunt exterminare faciem extenderem phylacteria, nihil verò homini magis est proprium quam justitia, ad quam solam colendam à Deo fabricatus, & in hoc mundo tanquam templo constitutus, ut jus suum cuique tribuat, scil. Deo supra, animantibus infra, nobis ipsis inter utrosque interjectis, operam porro demus, ut non minus in proximos quam in nos simus animati, *Hopp.* quod verò alio modo fieri nequit quam ut alteri faciamus, quod nobis fieri volumus. *Vnde Alexander Sev. Imperat.* hoc dictum, quid tibi fieri non vis, alteri ne feceris, non tantum in pallatio, sed & passim in operibus publicis præscribi jussit, ut refert *Hugo de Roij. in d. tract.* *Cluv. in d. tract.* & *Lactant. in epitome c. 3.* refert. ex *Lamprid. d. Imp. Alexand. Sev.* sèpius clamasse, & per praconem cum aliquem emendaret, clamare jussisse, quid tibi non vis, alteri ne feceris, hocque dictum radicem justitiae & æQUITATIS fundamentum appellasse & rectè; nec de hoc dubitandum, Imperator enim ille *Alexand. Sev.* tantè semper fuit æQUITATE, ut nullas unquam sanctaret leges, nullam constitutionem sacraret, sine Viginti juris peritissimis, doctissimis ac sapientissimis Viris, neque adeo in ulla re sententiam ferret, quin prius iret per sententias singulorum, & scriberetur, quid quisque dixisset, hæc testatur *Lampr. in ejus vita Cluv. d. lo.* post factam Retorsionem tam actor quam reus subsistere coguntur, illi enim qui retorsit actio injuriarum non competit *Berlich. part. 5. Concl. 64. num. 38. Bocer. de famos. libell. c. 3. num. 50. clas. 4. disp. 4. thes. 78. D. Hahn. in observat. ad Wesenb. de injur. num. 13. Perez. in C. d. tit. num. 10.* Ratio est, quia injuria per Retorsionem satis jam vindicata, nam satis est, injuria verbalis si verbis repellatur, inquit *Baldwin. lib. 4. c. 15. Cas. conscient.* Et bona fides non patitur, ut idem bis exigatur.

tur. Rennem. de jure Retort. part. 1. thes. 13. lit. 6. Nam si aliqui uno ex facto plura competunt remedia , ad unum eundemque finem tendentia, unum tollit alterum, Actio autem injuriarum & Retorsio ad unum eundemque tendunt finem , eademque efficiunt scilicet ut injurias absorbeant contumeliasque tollant. l. 15. §. 39. ff. de injur. quare unum tollit alterum, Col. I. A. d. l. quod verò fit diversimodè, Retorsio enim repellit in continentia, & statim suum sortitur effectum & hoc modo, Retorsione & sententia Judicialis effectus concurrunt. vid. C. I. A. d. loc. thes. 21. Actio verò abstergit non prius, quam si sententia lata est, facta verò Retorsione cessat ipsa causa, nimurum contumelia, cessante causā, sive obligatione, ipse cessat effectus , illud tamen monendum, quamvis sit Retorsio facta & injuria repulsa, qua jam latet in injuriante, donec probet, interim tamen Magistrati libera potestas ex officio suo injuriantem puniendo sit reservata, & nihil per Retorsionem prajudicatum. Magnif. Dn. Carpz. in prax. crim. part. 2. quas. 79. num. 41. & quod merito sit, ut compescantur tales turbatores Reipublicæ & communitatis omnium enim interest innocentes defendi & hominem hominis beneficio affici. l. 7. de serv. export. Wesenb. de appell. num. 7. quia jam constat Retorquentem post Retorsionem factam, nulla præterea injuria esse oneratum , cum per relationem injuriarum pudorem suum purgarit , nam ut bene ait Cicero, ignis in aquam conjectus continuo extinguitur , sic crimen in castam vitam, & illius resplendorem radiosque , mediante Retorsione confitum repellitur , nam maledicentia sedem figere in innocentia ac vita puriore nequit , verissimum enim illud Cleobuli effectum, quod convictiorum reprehensiones illos non attingant, qui secundum virtutem vivunt , Maxim. Sen. de Vitap. vita enim antea cæta rationes ab improborum calumnia vindicabunt, unde ita sapient. Plato. alloquitur eos qui cum Orveno clamare possunt.

Quod fornax auro facit, hoc tribulatio justis

Rebus in adversis certa probanda fides.

Convictis adfecti videant, num quid ab ipsis dignum sit patratum, si nihil animadvertunt, sumum illud existimant esse convictum, Anton. sermo. de oblog. & ut Adyanton. herba, licet per fundas



fundas aqua, aut immergas, tamen sicca similis est, sic in virum bonum etiam si quis ipsum infamare conetur, non cadit infamia. Plin. lib. 22. c. 21. Injuria enim injuste irrogata, est ejus qui fecit infamia, ut verò telo corpus ita spiculis linguae fauciatur animus, unde ait sacer textus, Calumnia conturbat sapientem, Divinusque Vates redime me à calumniis hominum, ut custodiam Mandata tua, Nam venenum aspidum sub labiis eorum, & rursum, dentes eorum arma & sagittae & lingua eorum gladius acutus.

Lingua mali, pars pessima servi.

Virtutis vero magnæ Vatum, inquit, Morphaer. Calumniis, invidia, obloquii peti, magnæ item virtutis ars & opus est, id genus Daemoniorum sustinendo, bene agendo superate & sic velut ejurare unde.

Si quanta eterna sunt vita præmia volvū

Omnia pro Christo perpetiere labens.

Talis enim detrectatio in vulgi opinione tantum locum habet, nam veritas in occulto est, adeoque validè imperat, imponitque opinio hominibus, qui plerumque non querunt an ea quæ referuntur sint vera; an falsa, sed credunt: quamvis tum sciat quisque se non posse convitiis ab eo, qui omnibus ipsem laboreret, vitiis conspurcari, & ideo

Conscia mens recti fama mendacia ridet.

Plus enim non est ponderis in alieno convitio, quam in propriæ conscientiæ testimonio, nam uti

Arbitrii nostri non sit quid quaque loquatur.

Ita non advertendum quid dicatur; sed quid fiat.

Nam

Dum tibi tu confes: dum sis sine crimine vita

Cur metuas de te qualiacunque loqui.

Ciceron male mecum inquit, agitur, si me oratio potius quam vita mea defenderet, unde Demosth. in Orat. dixit, oppono injuriis vitam testem, quod ita vertitur. Hütte Dich vor der That / der Lü- gen wird wohl raht. Sed quia vana opinio videtur prevalere, non aberrat, qui canis mortui ejusdem crine, & cute mederi satius dicit, & cum reus constitutus fuerit, auctorem se haud segnem exhibeat atque in continentia in ipsum evomita repellat. His per-

actis nihil est quod in foro instituat, nam defensio solummodo
injuriato competit, punitio vero Magistratui, cui & nihil ut
modo dictum per Retorsionem prædicatur, quo minus convi-
ciatorem ex officio punire queat. Nobilis. Dn. Stray. in d. tract.
c. 10. aphor. 12 num. 3. cum ibid. allegat. & necesse est, ut fiat;
alii enim exemplo deterrentur. l. 6. §. penult. ff. de pœn. pœnarum
enim hic est finis & scopus Plato apud Senec. de ira. 16. Nemo
prudens punit quia peccatum est, sed ne peccetur. 2. de ira. 31.
ad præteritum nunquam, sed ad futurum refertur, non enim ira-
scitur sed cavet solatio etiam est affectis injuryis, pœna nocentum
l. 28. §. 15. ff. de pœnis, unde Apulei. 8. Abjicite importunas la-
chrymas, vindicta justa solatio est, abjicite luctum meis virtuti-
bus alienum, quare & Elector Saxon. pœnam 30. solidorum in-
juriantium abrogavit, quæ mitior erat, quam ut probo & bono
viro atrocem injuriam pensaret, unde fieret saepè, ut injuriati
potius concoquerent, quam experientur injuries, & tamen pu-
blicè interest, ut compescantur petulantia conviciantium, tali-
enim modo conservatur publica tranquillitas Magnif. Dn. Prä-
ses in Hodeger. pag. 656. & seq. Et ita arbitrio judicantium ad fu-
stigationem usque procedi permisit. Novell. const. part. 4. cap. 42.
Quod & fundamentum habet in l. fin. ff. de injur. vid. Treut. diff.
30. volum. I. thes. 6. lit. s.

Nec competit ei actio in quem Retorsio facta est, remedium
enim Retorsionis est jus injuriati, ipsique existimationem quasi
ablatam contumelia illata (Vulgo sic opinanti, quasi hujusmodi
virulentia probo ac bono Viro honor atque existimatio detrahe-
re tur, Magnif. & Ampliss. Dn. Präses, Praeceptor ac Patronus
meus nunquam sat laudatus in Hodeger. chart. secund. clim. 4.
pag. 653;) restituit, quare injuriati non competit, ut minus
onerato, si modo legitimo & secundum supra præscriptos ter-
minos usa sit, Retorsio autem Retorsionis non datur, qui enim Re-
torsionem injuriarum intendit, & injuriis non est lacefitus, inju-
rians est, atque coercendus, quia fundamento Retorsionis est de-
stitutus, ei enim tantum competit exoneratio, qui est oneratus,
hicque legitimate retorquet, ac se exonerat, nec injuriam inferti
si secundum modum præscriptum procedit, quia facit quod po-
stulat adversarius, nam sumo punitur, qui vendidit fumum di-
xit



sit Alex. Sev. Imperat. test. Clav. d. trast. pag. 300. denique ne progressus detur in infinitum. Retorto hoc jus denegatur, quia talis processus in jure nostro prohibitus. l. 13. §. fin. ff. de damn. infest. l. 9. ff. solut. matrim.

C A P U T XII.

De dissentan. Retorsio utrum per Statutum tolli possit.

Quoniam Retorsio est species defensionis, & sic juris naturalis, queritur, num per statutum mutari possit aut contrarium induci? Quod à multis simpliciter negatur per §. penult. *Instit. de I. N. G. & C. per l. 8. ff. de Capit. minut.* Civilis ratio naturalia corrumpere nequit. Et l. 2. §. 1. ff. *de usufruct. ear. rerum que us. consum.* Sed distinguendum inter mutationem Veram & Analogam, hanc in his habere locum non illam, unde Verius patet, contrarium aliquod statutum introduci posse, Respondetur enim ad d. §. penult. 1. Jus naturale esse immutabile, oppositive sc. ad Jus Civile, quatenus illud est mutabile. 2. Quo ad existentiam non vero quo ad existentiam esse immutabile. 3. Quia salus populi suprema lex est *Cicero lib. 2. de ll.* 4. Jus Naturæ immutabile, quatenus simpliciter consideratur, non vero quatenus Jus Civile assistit, eamque redigit in actum, unde *August. Lex Naturalis immutabilis est*, licet in applicatione ejus ad varias materias vel occasiones possit esse variatio, & ita ex speciali ratione legislatoris, propter statutum & utilitatem Reipublicæ sèpè negliguntur, quæ juris alioquin sunt naturalis, aut tollerantur. *Clariss. Dn. Hahn. in Observat. ad Wesenb tit. de just. & jure pag. 76.* immutabile tamen permanet quod per se & natura sua justum est, vimque perpetuò retinet in obligandis conscientiis, anticipata in animis nostris communes notiones, Jus Civile enim juri naturali communiter aliquid addit vel detrahit. l. 6. ff. *de just. & jure.* & illa additio & detractio, nihil aliud est, quam juris naturæ præceptorum ad usum moresque civium applicatio, quemadmodum autem illa applicatio sit per additionem juris civilis. Ita & per idem jus potest fieri detractio, alternae vero leges, perpetua decreta, nullo jure civili abrogari possunt, sed tantum in mo-

in modo applicandi, de quo lex naturæ nihil definit, varietas quidem aliqua apparet propter varietatem constitutionum Ci-vilium. hoc autem facto non mutatur jus naturæ, sed adjuvatur, dum propter utilitatem civium, aliquid ei adjicitur aut detrahi-tur, atque hoc est, quod Dd. ajunt, jus naturale mutari, modifi-carri, declarari, & provisionibus adjuvati posse, ut clare Vinn. in Comment. ad Inst. allegans. Iob. Fabr. & Angel. unde & Hugo de Roij in sepius allegata tract. pag. 178. Praecepta esse immutabilia & perpetua inquit, sed usum eorum mutabilem esse ac variabi-lem, variantere rerum naturæ & circumstantiarum statu, nec verò novi aut inauditi quidquam est, legum importunitates & mede-las pro temporum moribus & pro rerum publicarum generibus, ac pro utilitatum praesentium rationibus, proque vitorum, qui-bus mederi oportet, fervoribus mutari ac flecti, neque in uno Statu consistere, quin ut facies Cœli & Maris, ita rerum atque varietatum tempestatibus variari, quod quidem variis evenire modis consuevit. *Primò*, si summa Reipublica necessitas hoc vel illud fieri exigit, *Secundò*, si exigit bonum publicum, ratio fundamentalis hæc est, quod leges ipse Reipublicæ tuenda, vel conservanda causa latæ, quod si eidem tractu temporis præjudicent, jam tunc leges esse desinant.

Coronidis loco adjicere lubuit questionem, num Retor si-
cum offendere compensari possit? R. Negando, quamvis qui-dam id admittant, qui hujus remedii osores existunt atque æmu-latores, quomodo non ita diu & Academie antehac laudabilis Germaniaæ nostræ Juridica facultas sententiam tulit. Sed male, cum nequidem offendere cum offendere seu injuria cum injuria mutua compensari potest, competit enim utrique injuranti actio, quæ compensari nequeunt, dummodo constare poterit quis in-ceperit, sunt enim diversæ injuriæ, quamvis reciproce Iohan. Schneidvv. post Dd. Comm. in §. in jur. num. 10. Inst. de injur. Aegid. Boff. in prax. sua, tit. de injur. num. 8. observ. 100. num. 9. Zanger. de except. part. 3. c. 8. n. 12 l. Hartm. Pifl. obs. 181. n. 2. Gilb. de injur. pag. 108. n. 217. Idem receptum est in actionibus aliis, nec obstat, l. fin. in princip. C. de Compensat. ubi Imperator ait ipso jure ex omnibus actionibus fieri compensationes, non autem dicit ipsas actiones compensari, & id omnino in actioni-
bus

bus injuriarum locum habere nequit, nam injuria cum injuriis compensari nequeunt, pronunciandum utrumque injurias intulisse, & sic necesse est ut pars parti ad certam condemnetur pcam, & tali modo ex injuriarum actionibus posset fieri compensatio, non vero ipse compensari possunt, unde Daniel Moller super *Constit. Elec. Saxon. part. 4. Constit. 42. rubric. de injur. n. 35.* in Scabinorum Lipsiensium Collegio duobus super mutuis injuriis litigantibus iunctum, ait, ut uterque crimen quod alter alteri objecisset, probaret, secus si non constat uter alterum provocavit. *l. 45. §. cum strament. ff. ad l. Aquil. Obrecht. de necess. defens. cap. 2. num. 19,* alias enim facti ad factum nulla est compensatio. *Sebast. Medic. in tract. de compens. part. I. quæst. 44. Zanger. de except. part. 3. cap. 6. num. 41. & seq.* ipsaque delicta non compensantur *Snobell. Disp. 10. thes. 11. vñl. Gothof. in not. ad l. 18. ff. de injur.*

Et haec; num & in ebrio injuriante habeat locum Retorsio, vel num talis excusat? Distinguui vulgariter solet inter ebrium & ebriosum, ebrius est qui acutu intemperans, ebriosus autem qui habitu talis est. *Vid. Itter. in Eth. lib. 3. cap. 3. quæst. 2.* Hic vero nullo modo excusat, is à poena ordinaria; si citra intentionem à vii vini & cerevisiae decipitur, cuius exemplum habemus in *Loth. Genes. cap. 19.* Est enim tunc extra dolum, sine quo ordinaria poena locum non habet, interim tamen in culpa, quare extra ordinem puniendus, si vero quis consuevit esse rixosus, & ebrietate se onerat, tunc censetur ad casum talem esse ebrietatem illam destinatam, & sic tenetur poena ordinaria *Gail. 2. obs. 110.* Si vero quis tam ebrius fuerit, ut vix pedem seu manum movere potuerit, qui alias non solet ebrietati & compotationibus esse deditus, excusandus *l. 3. §. 2. de injur. l. 53. in princip. ff. de fur.* Sed haec ebrietas probanda, quod quandoque jure-jurando allegantis fieri potest, *Menochi. 2. arb. Cas. 326. n. 11. Hahn. ad Wesenb. de injur. num. 4.* Circa hanc vero questionem varie Dd. loquuntur, & quum autem est, ne excusat ebrius ob ebrietatem: Vitium enim Virtus tegeretur, quod absconum esset; sed duplici poena recte & justè ebrij afficiuntur (nam ob delicti frequentiam poenam exasperari convenient). *l. 16. in fin. l. 28. §. 10.*

§. 10. ff. de pœn. l. 1. ff. de abig. I. Ob ebrietatem. II. Ob delictum. l. qui occid. §. in bac quoque ff. ad l. Aquil. & l. si serv. §. si forn. & §. si ex plauſt. eod. tit. & l. 6. C. ad. l. lul. de vi publ. & privat. Causam enim dans delicto ipfemet delinquit. Gothof. in not. ibid. lit. u. Gail. d. loc.

*Quæ potu peccas ignoscere tu tibi noli
Nam nullum crimen vini est, sed culpa bibentis.*

Hec quæſtio quin prolixior & fusior tradi possit non est quod dubitemus, sed nos pro tempore instituto inservientes portum ita adepti lætamur, immortales Deo T. O. M. gratias agentes.

Summo qui studio consumunt nobile tempus,
Illiſ accrescunt, præmia magna fatis:
Præmia ſicce tuum studium, GROLMANNE, ſequentur
Atque patri, Patriæ denique charus eris.

*Pereſimio & Doctifimo Dn. Respondenti amico
autoriſ ſuo honoratiſimo, exigua hac festinato
apponere debuit.*

Theod. Spoltman. LL. St.

Juris habes nucleus, GROLMANNE, quid expetis ultra?
Perge præſe probis, perge deeffe malis:
Sic per ſcire tuum juris duceris ad aſtra.
Atque triumphali laude beandus eris.

*Ita l. m. q. Pereſimio Dn. Respondenti
amico ac fautori ſuo applaudere
ut debuit, voluit.*

Henricus Wismann. SS. Th. Stud.
Marc. West.

FINIS.

Strassburg, Diss., 1665-66

f



TA POL

hur 5 bisher verknüpft

WOM

Farbkarte #13

B.I.G. Black

7
6
5
4
3
2
1
Inches
1
2
3
4
5
6
7
8
9
10
11
12
13
14
15
16
17
18
19
Centimetres
1
2
3
4
5
6
7
8
9
10
11
12
13
14
15
16
17
18
19

Blue	Cyan	Green	Yellow	Red	Magenta	White	3/Color	Black
Light Blue	Light Cyan	Light Green	Light Yellow	Light Red	Light Magenta	White	Light Grey	Dark Grey

TIO.

174

1666, 9
RSIONIS.

verbales.

AUXILIANTE.

DIO.

I.

*LISSIMI, AM-
ULTISSMI.*

REBHANII.

CAESAR. COD.

Celeberrimi, Col-

Divers. Statuum

arii.

Patroni sui,
ndi.

ilanda proposita.

GROLMANNO.

hum. Auth,

C.

RATI

ELPERI.

XVI,